



UNIVERSITÄTS-  
BIBLIOTHEK  
PADERBORN

## **Arbor Vitæ Sive Vita Et Doctrina Christi**

Ex Quatuor Evangeliiis In Meditationes Quotidianas Velvti Totidem Ramos  
Distributa

**Illsung, Jakob**

**Dilingæ, 1693**

Meditatio CCXCI. Prædicatio Christi per Galilæam, ejúsque fama ad  
Herodem perlata.

---

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

178 *Ab Octava SS. Corp. Christi usque ad Adventum*  
num. Proverb. 25. v. 27. Ideo rectè inquit S. Greg.  
hom. 37. *Tunc etenim bene nostram Animam odimus, eius*  
*eius appetitum frangimus, eius voluptatibus reluctamur,*  
*quæ ergo contempta ad melius ducitur, quasi per odium am-*  
*tur.* Ita odio habuerunt & perdiderunt Animas sui  
Sancti Martyres; & Christus ita de se dixit. Joan.  
10. v. 17. *Ego pono Animam meam, ut iterum sumam eam*

## MEDITATIO CCXCI.

*Prædicatio Christi per Galilæam,*  
*eiúsque fama ad Herodem perlata.*

Matth. 11. v. 1. & 14. v. 1. Marc. 6. v. 14.

**P**UNCTUM I. *Et factum est, cum consummasset JESVS*  
*præcipiens duodecim Discipulis suis, transiit inde, ut do-*  
*ceret, & prædicaret civitatibus eorum.* Matth. 11. v. 1.  
Ex his verbis colligitur, & considerandum proponi-  
tur, quòd instructio, Viris Apostolicis à Christo tra-  
dita, fuerit consummata, id est, fuerit plena, inte-  
gra, ac perfecta instructio, & habuerit non meram  
rationem Consilij, sed etiam Præcepti. Sicut ego  
consummavit JESVS præcipiens; sic tu consumma-  
sequens: Christo enim consummata Obedientia debet  
tur, id est, plena, integra, perfecta, usque ad finem  
quo simul vita absolvitur.

**PUNCT. II.** Considera duas potissimum fuisse  
Christi functiones, *Docere, & Prædicare*: Quanti ergo  
à te æstimandæ sunt? quanto studio, & præparatione  
suscipiendæ ac prosequendæ? Nihil enim præstantius  
nihil ad DEI Gloriam & Proximi Salutem promovendum



dam utilius est, quàm docere & prædicare, si id verbo simul & factis fiat, idque gratis, ut præceperat Christus apud Matth. c. 10. v. 8. tunc enim DEVS Præmium & Minerval ingens rependet: quia *Qui fecerit & docuerit, hic magnus vocabitur in Regno Cælorum.* Matth. 5. v. 19. *Qui autem docti fuerint, fulgebunt quasi splendor Firmamenti: & qui ad Justitiam erudiunt multos, quasi stellæ in perpetuas æternitates* Dan. 12. v. 3. Itaque ad docendi, & prædicandi munus utiliter obeundum Doctrinam & Virtutem omni studio tibi procura, atque in eodem tibi commisso omnem diligentiam adhibe: est autem istud suo modo omnibus commissum, ut saltem piis Colloquijs & bonis Exemplis Proximum instruant: ideo S. Paulus ad Colofs. c. 3. v. 16. scribit: *Verbum Christi habitet in vobis abundanter, in omni Sapientia docentes, & commonentes vosmetipsos &c.*

PUNCT. III. Dum Apostoli secundum datam sibi instructionem à Christo, ipsèque Christus partim per Apostolos, partim per seipsum, appropinquationem Regni Cælorum, & pro illo obtinendo Pænitentiam prædicant, Doctrinamque suam Miraculis, & Virtutum suarum Exemplis confirmant, Christi fama ad Herodem Galilææ Tetrarcham penetravit, teste Marco c. 6. v. 12. *Et exeuntes prædicabant, ut Pænitentiam agerent; & demonia multa eiiciebant, & ungebant oleo multos ægros, & sanabant. Et audivit Rex Herodes (manifestum enim factum est Nomen ejus) & dicebat: quia Joannes Baptista surrexit à mortuis, & propterea Virtutes operantur in illo &c. Quem ego decollavi Joannem, hic à mortuis resurrexit.* Considera, quòd, etsi errârit Herodes, supponendo dari transmigrationem physicam & realem Animarum in alia corpora, in sensu tamen



morali fieri possit, ut Animæ Sanctorum in Cælo  
gentes, imò ipsius Christi Anima, in corpora nobis  
transeant, & in nobis resurgant: si nimirum ipsarum  
Virtutes imitemur; hoc sensu Christus de S. Joanne  
dixit. Matth. 11. v. 14. *Ipse est Elias.* Et S. Paulus  
se Gal. 2. v. 20. *Vivo autem jam non ego; vivit vero  
me Christus.* Sic fac Sanctos, & Christum ipsum in  
resurgere; æquum enim est, ut, quia Christus à te  
pro te occisus est, in te, & per te resurgat.

## MEDITATIO CCXCII

### *De Morte S. Joannis Baptista.*

Marc. 14. v. 3. Marc. 6. v. 17. Luc. 3. v. 19.

**P**UNCTUM I. Occasione opinionis, quòd Herodes  
ut in præcedenti Meditatione dictum est, aucto-  
Miraculis Christi & Discipulorum ejus putaverit  
eo revixisse, ac resurrexisse Joannem Baptistam.  
Matthæus, & S. Marcus referunt ejusdem S. Joannem  
mortem, quamvis neuter exprimat tempus, quo  
contigerit (quod Cornelius à Lapide in c. 6. S. Mar-  
ci ostendit fuisse circa finem anni trigesimi seculi  
Christo nato) relatis enim verbis Herodis: *Quem  
decollavi Joannem, hic à mortuis resurrexit:* subjungit  
Marcus c. 6. v. 17. *Ipse enim Herodes misit, ac tenuit  
nem, & vinxit eum in carcere propter Herodiam uxorem  
Philippi fratris sui; quia duxerat eam. Dicebat enim  
nes Herodi: non licet tibi habere uxorem fratris tui* (ad  
S. Lucas c. 3. v. 19. quòd illum etiam corripuerit  
omnibus malis, quæ fecerat Herodes) *Herodias autem  
diabatur illi, & volebat occidere eam.* Idem voluisse H-  
rodes